

TLHAGISA MAIKUTLO

Taletso go setšhaba go romela ditlhagiso

Mametelelo ya Molaotlomo wa Taolo ya Motlakase [B23B-2023] S76

Komitikgetho ya Ntšhwafatso ya Lefatshe, Tikologo, Didiriswa tsa Diminerale le Eneji e laletsa batho ba ba nang le kgatlhego le baamegi go romela ditshwaelo tse di kwadilweng ka ga Mametelelo ya Molaotlomo wa Taolo ya Motlakase [B23B-2023] S76.

Molaotlomo o batla go mametelela Molao wa Taolo ya Motlakase, 2006, gore o tle o phimole, mametelele, le go tsenya ditlhaloso tse di rileng; go tlamela ka tiragatso ya Molao; go dira tlamelo ya gore Molaodi wa Bosetšhaba wa tsa Maatla a Motlakase a sekaseke dikopo tsa dilaesense le go rebola dilaesense; go dira tlamelo ya go gogela morago le go phimola dilaesense; go neelana ka motlakase wa tlaeletso, bokgoni jo bontšhwa jwa go tlhagisa motlakase le mafaratlhatlha a motlakase; go rulaganyetsa go tlhomiwa, ditiro , dithata le ditiro tsa Transmission System Operator SOC Ltd le dikgato tsa nakwana; go tlamela ka polatefomo ya mmaraka o o bulegileng o o letlang gore go nne le kgwebisano ya motlakase e e nang le kgaisano; go neelaka ka ditiro, dithata tsa Transmission System Operator SOC Ltd go National Transmission Company South Africa SOC Ltd; go neelana ka kemedi le tiro; go neelana ka ditlolomolao le dikotlhao; le go neelana ka dintlha tse di amanang le tseo.

Dipotso, mmogo le ditlhagiso tse di kwadilweng, di romelwa go Rre Asgar A Bawa, Komitikgetho ya Ntšhwafatso ya Lefatshe, Tikologo, Didiriswa tsa Diminerale le Eneji ka imeile go ElectricityRegulationAmendmentBill@parliament.gov.za

Letlha la bofelo la go romela ditlhagiso ke Mosupologo, 29 Moranang 2024.

Dikhophi tsa Molaotlomo di bonwa kwa go Rre A A Bawa mo Seleng 083 709 8530 kgotsa mo go www.parliament.gov.za.

E rebotse ke Moh TC Modise, LP, Modulasetilo wa Komitikgetho ya Ntšhwafatso ya Lefatshe, Tikologo, Didiriswa tsa Diminerale le Eneji